



education

Department:
Education
North West Provincial Government
REPUBLIC OF SOUTH AFRICA

PROVINCIAL ASSESSMENT UVIWO LWEPHONDO

IBANGA 12

**ISIXHOSA ULWIMI LWASEKHAYA (HL)
IPHEPHA LOKUQALA (P1)
EYESILIMELA 2024
ISIKHOKELO SOKUMAKISHA**

AMANQAKU: 70

IXESHA: 2 IYURE

Esi sikhokelo sokumakisha sinamaphepha ali-9.

QAPHELA

- Esi sikhokelo sokumakisha senzelwe ukuba sibe sisikhokelo kubamakishi.
- Asenzelwanga ukuba sibe ngummiselo ogqibeleleyo.
- Iimpendulo zabafundi mazithathelwe ingqalelo ngokokuchaneka kwazo.
- Iimpendulo mazihlolwe ngokupheleleyo namanqaku anikezelwe apho kufuneka anikezelwe khona ngokwezigqibo ezithatyathwe kwintlanganiso yokubeka umakisho emgangathweni.
- • Isikhokelo sokumakisha siya kuxoxwa phambi kokuba kuqalwe ukumakisha.

IMIYALELO KUBAMAKISHI**Umakisho lwesicatshulwa sokuqonda:**

- Ngenxa yokuba kugxininiswa ekufundeni ngokuqonda, akufanelekanga ukuba upelo olugwenxa neemposiso zolwimi kwiimpendulo zezivakalisi zinyityelwe amanqaku ngaphandle kokuba ezo ziphene zitshintsha intsingiselo yempendulo elindelekileyo. Iimposiso ezikhoyo maziqatshelwe ngokukrwelelwa.
- Kubaviwa abasebenzisa amagama athatyathwe kolunye ulwimi ngobunjalo bawo, olungesiso isiXhosa, musa ukuwathathela ingqalelo lawo magama anjalo, kananjalo banganyityelwa manqaku xa ngaba iimpendulo ezinikiweyo zinembadla. Ngokunjalo ukuba igama elisuka kolunye ulwimi lisetyenziwe kwitekisi kwaye impendulo ifuna elo gama, oko kwamkelekile.
- Kwimpendulo apho ziliqela iimpendulo ezichanekileyo akunikwa manqaku ngeempendulo ezingu-EWE/HAYI, NDIYAVUMA/ANDIVUMELANI kuphela. Anikwa kuphela ngesizathu/ ukuxhasa/nokuzakuzela impendulo.
- AKUNIKWA manqaku ngeempendulo ezingu-YINYANI/BUBUXOKI, okany YINYANI/LULUVO kuphela. Anikwa kuphela ngesizathu/ukuxhasa/ nokuzakuzela impendulo.
- Apho kulindeleke iimpendulo ezigama linye aze umviwa anike isivakalisi, nika amanqaku ukuba ngaba igama elifanelekileyo likrwelelwe umgca ngaphantsi okanye ligqanyisiwe.
- Kwimibuzo apho kulindeleke iimpendulo ezimbini/ezintathu, aze umviwa adwelise uluhlu lweempendulo, makisha kuphela ezimbini/ezintathu zokuqala.
- Iilwimi zengingqi neziyelelani zesiXhosa zamkelekile.
- Kwimibuzo ekulindeleke ukuba umviwa akhethe impendulo echanekileyo, Makwamkelwe zombini, ukutsho oko unobumba ohambelana nempendulo echanekileyo KUNYE/OKANYE nempendulo echanekileyo ebhalwe ngokuzeleleyo.

ICANDELO A: ISICATSHULWA

- 1.1 ...abatsha ziintambo ...√. (1)
- 1.2 Lizisa intsingiselo yokucinezelwa kwabafazi emizini√. (1)
- 1.3 Umlimi / usomajukujuku / umfundisi / umpolitiki √√.
(Nasiphi na isibini) (2)
- 1.4 Amazwe abalaseleyo ehlabathi afana ne-Indiya, elakwaSirayeli nelaseBrithani ebekhe akhokelwa ngabantu basetyhini √. (1)
- 1.5 Bayityhola ngokuthi isesesona sixhobo sinamandla sokubagcina 'endaweni yabo' bengabafazi √. (1)
- 1.6 Ayizanga nempumelelo kuphela kuye kwanda nokuqhomfwa kwezisu ngabasetyhini √. (1)
- 1.7 “Abafazi abathe balusabela ubizo lokuba baphume 'ebukhobokeni' bemizi yabo baye baqhawukelwa yimitshato, latsho lantinga inani lemitshato eqhawulwayo mihla le” √. (1)
- 1.8 C. / Abakrexezayo √. (1)
- 1.9 Baqotyelw'iliso /Badlaliswa ngokutswetywa/ Kuzikhuhlwa kubo ngokungeyomfuneko/ Basongelwa ngokugxothwa √.
(Nayiphi na kwezi). (1)
- 1.10 Yinyani, kuba abaqeshi bafuna ukuqala babelane ngesondo nabantu ababhinqileyo phambi kokuba babaqeshe. √√ / Yinyani, kuba abantu abangamadoda babancwasa ngokungamkelekanga abantu ababhinqileyo emisebenzini √√. (2)
(Nayiphi na impendulo eveza ukuxhatshazwa kwababhinqileyo ngezesondo.)
- 1.11 Kukuba aye kuyichaza kwabasemagunyeni basemsebenzini./ kukuya kuyichaza Kwicandelo lamapolisa elilwa ukuxhatshazwa kwababhinqileyo./ kukuya kuyichaza kwiSebe lezemisebenzi. √√
(Nayiphi na impendulo echanekileyo). (2)
- 1.12 Kunganeziphumo zokukrexeza kwamadoda abo ngenxa yokungafumani hoyo/ Abafazi banganezigulo zokungaphumli komzimba. √√
(Nayiphi na impendulo echanekileyo). (2)

- 1.13 Ukuphangela kwabafazi kubangele ukuba umsebenzi wasekhayeni ungabi namntu wakuwenza nexesha lokukhathalela abantwana liye lancipha √√. (2)
- 1.14 Ewe singenza umahluko ngokuthi amadoda abone ukuba amanina nawo kufanele ukuba aphaatheke ngokufanayo namadoda √√

OKANYE

Hayi, asinakwenza mahluko kuba kusekho amadoda asabambebele kwinto yokuba indawo yamanina isekhithshini. √√

(Nayiphi na impendulo echanekileyo). (2)

- 1.15 Kukho umntu ongumama obonakala enika imiyalelo kubasebenzi √. (1)
- (Nayiphina imbono echanekileyo).

- 1.16 Ewe iwuthathele ingqalelo kuba kukho amadoda nabasetyhini √. (1)

- 1.17 Ewe banomdla, kuba bajonge kule nto ayenzayo/ kuba bajonge kuye ngqo √√. (2)

- 1.18 Umbhali umsebenzise umntu wasetyhini wabonakala enolawulo, ubungangamsha negunya ngaphezu kwamadoda amamele ngomdla nekubonakala emthobela √√. (2)

- 1.19 Ewe isemzini kuba ngokweBhayibhile umfazi ukhathalela ikhaya elixa umyeni Eyokuphangela. √√

Hayi alikho mzini kuba sikumaxesha anzima apho umvuzo womntu omnye ungasalingenanga √√

(Nayiphi na impendulo exhasiweyo). (2)

- 1.20 Umfanekiso wesicatshulwa B ungqinelana nomhlathi wesi-2 wesicatshulwa A, √ kuba kwisicatshulwa B siboniswa umntu ongumama obonakala ekwisikhundla solawulo kanti kumhlathi wesi-2 wesicatshulwa A kugxininiswa ukuba oomama banako ukuba kwizikhundla zolawulo √. (2)

AMANQAKU ECANDELO A: 30

ICANDELO B: USHWANKATHELO**UMBUZO 2: UKUSHWANKATHELA NGAWAKHO AMAZWI**

Sebenzisa ezi ngongoma zingundoqo zilandelayo ekufuneka zibandakanywe ngabaviwa kwisishwankathelo njengesikhokelo. Ukumakisha isishwankathelo kusekwe ekugqaleni iingongoma ezingundoqo. Isishwankathelo masimakishwe ngolu hlobo: Naziphi na iingongoma ezichanekileyo ezisi-7 ezibhalwe ngokomhlathi mazimakishwe. (Izivakalisi mazinamathelane).

UCAPHULO		IINGONGOMA	
1.	Kufanelekile ukuba abantu bangoomama badlale indima ebalulekileyo ekuphuculeni inkqubela-phambili ehlabathini jikelele.	1.	Amanina mawathathe inxaxheba enkulu ekuphuculeni inkqubela phambili ehlabathini liphela.
2.	Oomama mabanikwe ilungelo elipheleleyo lokuzithabathela izigqibo nabo njengabantu, ngaphandle kwefuthe lamadoda.	2.	Oomama mabanikwe ilungelo elipheleleyo lokuzithabathela izigqibo ngaphandle kweempembelelo zabasebuhlanti.
3.	Oyena ndoqo kukunika abantwana abangamantombazana imfundo ekwizinga lomntu wonke kungajongwanga sini.	3.	Kubalulekile ukuba amantombazana asakhulayo afumane imfundo esemgangathweni ngaphandle kocalucalulo.
4.	Amakhosikazi aphantelayo mawanikwe amathuba wokuphucula izakhono zawo ukuze nawo akwazi ukukhuphisana ngokulinganayo nootata kwiimeko zemisebenzi.	4.	Oomama abasele besebenza mabawanikwe amathuba okuphucula izakhono emisebenzini, ukuze bakwazi ukuba negalelo njengamadoda.
5.	Inkululeko namalungelo wamabhinqa mawabekwe phambili xa kuchotshelwe imicimbi edla iLizwe.	5.	Makuqwalaselwe amalungelo nokukhululeka kwamanina xa kuxoxwa imicimbi echaphazela iLizwe.
6.	Kubalulekile ukuba amanina athabathe inxaxheba kwimibutho yezopolitiko, angacalulwa ngokwesini.	6.	Oomama mababe nendima enkulu abayidlalayo kwimibutho yepolitiki, bangabekelwa bucala kuba bengoomama.
7.	Ukhuseleko lwamanina kufanele lube luxanduva lomntu wonke.	7.	Kubalulekile ukuba abantu ababhinqileyo bafumane ukhuseleko ngandlela zonke kumntu wonke.

UKUBHALWA NGOKOMHLATHI

QAPHELA: Oku kulandelayo ngumzekelo nje kuphela. Akungommiselo kwaye makusetyenziswe ngobuchule.

UMHLATHI

Amanina mawathathe inxaxheba enkulu ekuphuculeni inkqubela phambili ehlabathini liphela. Mawabe nelungelo lokuthabatha izigqibo ngokwawo, angalindeli kootata. Kubalulekile ukuba amantombazana asakhulayo afumane imfundo esemgangathweni ngaphandle kocalucalulo. Oomama abasele besebenza mabawafumane amathuba okuphucula izakhono emisebenzini, ukuze bakwazi ukuba negalelo njengamadoda. Makuqwalaselwe amalungelo nokukhululeka kwamanina xa kuxoxwa imicimbi echaphazela iLizwe. Oomama mababe nendima enkulu abayidlalayo kwimibutho yepolitiki, bangabekelwa bucala kuba bengoomama. Kubalulekile ukuba abantu ababhinqileyo bafumane ukhuseleko ngandlela zonke kumntu wonke.

[70 amagama]

Ukumakisha isishwankathelo:

Ukumakisha isishwankathelo kusekwe ekugqaleni iingongoma ezingundoqo.

Isishwankathelo masimakishwe ngolu hlobo:

- Ulwabiwo lwamanqaku
 - Amanqaku asi-7 ngeengongoma ezisi-7. (inqaku ngengongoma nganye)
 - Amanqaku ama-3 olwimi.
 - Amanqaku ewonke: 10.
- Ulwabiwo lwamanqaku olwimi xa abalingwa besebenzise amazwi abo:
 - 1–3 amanqaku achanekileyo: Nika inqaku eli-1 lolwimi.
 - 4–5 amanqaku achanekileyo: Nika amanqaku ama-2 olwimi.
 - 6–7 amanqaku achanekileyo: Nika amanqaku ama-3 olwimi.
- Ulwabiwo lwamanqaku olwimi xa abalingwa becaphule.
 - 6–7 iingongoma ezicatshulwe ngqo: akunikezelwa manqaku olwimi.
 - 4-5 iingongoma ezicatshulwe ngqo: nikezela inqaku libe-1 lolwimi.
 - 2-3 iingongoma ezicatshulwe ngqo: nikezela amanqaku abe ma-2 olwimi.

QAPHELA:

- Ubalo-magama
 - Abakorekishi kulindeleke ukuba baliqinisekise inani lamagama asetyenzisiweyo.
 - Musa ukuthabatha amanqaku ukuba umviwa akalibonakalisanga inanilamagama asetyenzisiweyo okanye ukuba inani lamagama libonakaliswe ngokungachanekanga.
 - Ukuba udlule kwinani eliqingqiweyo, funda ukuya kuma ekupheleni kwesivakalisi eliphele kuso inani eliqingqiweyo ungawahoyi alandelayo.

AMANQAKU ECANDELO B: [10]

ICANDELO C: IZAKHI NEMIGAQO YOKUSETYENZISWA KOLWIMI**Ukumakisha iCandelo C**

- Upelo
 - o limpendulo ezinegama elinye mazimakishwe nokuba upelo lugwenxa, ngaphandle kokuba isiphene sitshintsha intsingiselo yegama.
 - o Kwimpindulo ezizivakalisi ezipheleleyo upelo olugwenxa malunyityelwe amanqaku ukuba impazamo ikwimigaqo yolwimi oluhlolwayo.
 - o Xa kuhlolwa izifinyezi impendulo mayibonakalise ukusetyenziswa kweziphumlisi ngokuchanekileyo.
- Ulwakhiwo kwizivakalisi malubhalwe ngemigaqo yegramama echanekileyo nangezivakalisi ezipheleleyo/ngokomyalelo.
- Kwimibuzo ekulindeleke ukuba umviwa akhetha impendulo echanekileyo, unobumba ohambelana nempendulo echanekileyo KUNYE/OKANYE nempendulo echanekileyo ebhalwe ngokupheleleyo, iyamkeleka.

UMBUZO 3: ISIBHENGEZO NTENGISO

- 3.1 Yi-Vaseline v. (1)
- 3.2 Kukuthambisa isikhumba v. (1)
- 3.3 Linxulumana ngokuba lithi 'Khangeleka umhle' ibe nentombazana esemfanekisweni ikhangeleka intle v. (1)
- 3.4 A. / ikhohlisa abathengi v. (1)
- 3.5 Kukubonakalisa ukuba le mveliso yenziwe ngesityalo sendalo v. (2)
- 3.6 Utsalela umthengi kula mazwi ukuze naye abe nethemba lokuba ngokusebenzisa le mveliso uya kukhangeleka emhle v. (2)
- 3.7 Andingqinelani, kuba nokuba ungayisebenzisa kangakanani le mveliso ayinakuze iguqule inkangeleko yendlela odalwe ngayo. √√
- okanye
- Ndiyandinqinelana, ingagcina ulusu lwam londlekile ngamafutha awenza lukhangeleke luluhle v. (2)
- (Nayiphi na impendulo echanekileyo). **[10]**

UMBUZO 4: IKHATHUNI

- 4.1 Bakwigumbi lokuhlala/lokuphumla √. (1)
- 4.2 Kukho isofa √. (1)
- 4.3 Umama kaLutho ubonakalisa intlonipho nothando kwindlela anxibelelana ngayo nonyana wakhe, kanti uLutho akabonakalisi kuhlonipha √√. (2)
- 4.4 Ayingqinelani, kuba uthe kulungile kodwa uzisuse nje wazibeka kwalapha ecaleni kwesitulo endaweni yokuba azise ekhitshini njengoko bekulindelekile √√. (2)
- 4.5 Kusetyenziswe iqam leengcinga √. (1)
- 4.6 A. / Uncamile √. (1)
- 4.7 Uphumelele kuba endaweni yokuba uLutho athathe izitya aye kuzibeka ekhitshini uzishiya kwalapha egumbini lokuhlala kunjalo nje akaboni nto ingalunganga kuloo nto kuba ude athi ugqibile √√. (2)
(Nayiphi na impendulo ebonakalisa ukuphumelela)
- [10]**

UMBUZO 5: IPROZI

- 5.1 Usatshana v. (1)
- 5.2 Sibonakalisa isenzo esenzeka macala v. (1)
- 5.3 Ungene sele egeqezisa **intloko** enganze bani v. (1)
- 5.4 Balambe v. (1)
- 5.5 Libonakalisa indawo v. (1)
- 5.6 Ngokunjalo nasezinkunini **uyayazi/uyazi** ukuba makabe negoqo apha ekhaya vv. (2)
- 5.7 Inxeba lendoda alihlekwa/ Amadoda awafani, afana ngentshebe kuphela√
Umntu osengxakini makungahlekiswa ngaye, makancedwe / Elowo umntu unezimbo ezizezakhe yedwa √.
(naliphi na iqhalo/saci esichanekileyo nentsingiselo yaso). (2)
- 5.8 Ngokukhululwa komfazi kule misebenzi inzima yangaphandle kokukhona ubomi bekhaya buya kulungelana nangaphezulu bube **mnandi** kanaanjalalo √. (1)

[10]**AMANQAKU ECANDELO C: 30**
AMANQAKU EWONKE: 70